



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Defensio Abbatiae Imperialis S. Maximini**

**Zyllesius, Nicolaus**

**Treveris, 1638**

21. Conradi Imperatoris Dat. Treuiris, Anno MXXVI.

**urn:nbn:de:hbz:466:1-14268**



Guntherus Cancellarius, vice Aribonis, Archicapellani recognoui. Data quarta Idus Decembris, Indictione sexta, Anno Dominice Incarnationis MXXIII. Anno vero Domini Secundi Henrici regnantis, vigesimo tertio, Imperij autem Decimo. Actum in Triburia, regia villa, Palatio publico, in Dei nomine. Amen Amen.



21.

*Conradi Imperatoris Datum Treuiris, Anno MXXVI.*

**I**N nomine Sancte & indiuidue Trinitatis. Conradus diuina ordinante Clementia Rex. Si rationabilibus fidelium nostrorum petitionibus, quas pro vtilitatibus Ecclesiarum Dei nostre Regali Excellentie suggerunt assensum prebuimus, id nobis ad eterne vite premium promerendum sine dubio profuturum esse liquidò nouimus, vnde nouerit omnium fidelium nostrorum

ram



tam presentium quam futurorum industria, qualiter Poppo Venerabilis Abbas ex Monasterio S. Maximini, qui in suburbio Treuironū corporaliter quiescit, quasdam præceptiones nostris obtutibus obtulit, in quibus continebatur, quod Prædecessor noster Henricus videlicet Imperator Excellentissimus ex præfatâ Abbacia Curtes aliquas & possessiones quam plurimas, vsque ad sex millia, sexcentos, quinquaginta sex mansos, vt verius computari potuit, progrediens abstulit, & quibusdam fidelibus suis, ea ratione beneficiauerit, vt ipsi & hæredes eorum pro eodem Abbate, successoribusque eius Regalem Curiam peterent, & in expeditionem irent. Abbas vero, sui que Successores ab omni expeditione, & à Regali seruitio Imperiali prædicti Imperatoris constitutione, liberi omnino existerent, relictis videlicet illis & specialiter delegatis quibusdâ Curtibus & Villis ac Ecclesijs omnibus vbicunque in S. Maximini prædio iacētibus, cum cunctis salicis decimationibus, vnde necessaria tantummodo suis deberent procurare fratribus, flagitans nostram Regalem clementiam, vt easdem possessiones, Ecclesias & Villas ad præbendam Monachorum Deo inibi famulantium pertinentibus, illis peculiariter concederemus, & nostris priuilegijs corroborando firmaremus. Cuius petitioni propter amorem Dei & reuerentiam B. Ioannis Apostoli & Euangelistæ, in cuius honorem idem locus sacratissimus sub Constantino & Helena quondam dicatus esse dinoscitur, nec non beatissimi Confessoris Christi Maximini, & ob interuentum dilectissimæ Coniugis nostræ Giselæ videlicet Reginæ, & Aribonis Mogunciacensis, ac Piligrini Coloniensis Venerabilium Archiepiscoporum, & Ramberti Viridunensis Episcopi, ac Theodoric Ducis, aliorumque fidelium nostrorum assensum præbemus, statuentes videlicet, ac hac nostrâ Regali auctoritate firmiter præcipientes, vt in Ecclesijs, villis, & possessionibus, quas ad præbendam Monachorum inibi Deo seruientium, prædictus Antecessor noster Henricus piæ memoriæ Imperator Augustus, alijque ante cum Reges & Imperatores, Dagobertus, Pippinus, Carolus, Ludouicus, Lotharius, item Carolus, Arnolphus, Zuendeboldus, nec non tres Ottones ad peculiaritatem fratrum, sicut in priuilegijs eorū in nostra presentia lectis cernitur, nullam à quolibet iudiciariæ potestatis violentiam patiantur, sed victum inde atque habitum pro nostræ animæ absolutione, aliorumque Prædecessorum, Successorumque nostrorum remissionem specialiter consequantur: Hoc est in Schuabheim, Euernesheim, Hechnisheim, Brinsenheim, Manneldal, Narheim, Priechna cum omnibus ad se pertinentibus, Guntershausen, cum suis pertinentijs, quas duas Curtes ad sagimen & ad femoralia, nec non ad infirmorum, debiliūque fratrum curam, & ad susceptionem hospitū ac peregrinorum, pauperumque recreationem, sicut antecessores nostri consulerunt, ita & nos specialiter statuimus, decernimus, atque firmamus, similiter quod in his locis possidere videntur, Apula, Scheringesuel, Alfonsoia, Fulniuel, Holtzhufen, Hockiuenheim, Buckinheim, Symera, Folmarisbach, Prouesteriod, Weldenstein, Albucha, Buozuoluesheim, Bingen, Decima Vallis, cum suis pertinentijs, Ratersdorff cum suis, Bickendorff, Meisbracht, Okifheim, Arnolfesbergh, Fraetucis, Riuenacha, Loauia, Windingis, Lucksingis, & in Ciuitate Metensi, & circum circa, domos, vineas, agros & areolas, Et in pago Saluigoue, Dincrich, Zuolkurt, Besinga, Item alibi, Wilre, Lucelenkircha, Fauena, Bessiac, Druthelina, Murmeringis, Meroldiuilla, Wimari Ecclesia, Grusta, Strassa, Scanna, Marthedith, & Billiche ac Kriske, Ex his ergo villis, & earum pertinentijs nullus Abbas audeat, alicui libero homini siue alterius Ecclesiæ seruienti aliquid beneficiare, aut à præbenda fratrum quoquo modo ab-



alienare, sed liceat inde illi suisque successoribus luminaria Ecclesie restaurare, ædificia recuperare, & cætera quæ necessaria, tantummodo sunt fratribus fideliter procurare, statuimus etiam & corroborare decreuimus, vt idem Abbas, suisque Successores potestatem habeant, Aduocatas suas per omnem Abbatiam, cui velint, dandi, cui velint iusto iudicio tollendi, & vt Aduocati nulli post se ponere præsumant, qui vocetur Postaduocatus, nec quisquam illorum potestatem habeat aliquã violentiã siue petitione homines grauare, aut placitum præter illa tria iure debita tenere, vel quicquam super Officiales vel Mansionarios, aut ministros, seu omnia Iura Abbatis constituere. Et vt hoc nostræ auctoritatis præceptum firmum, & stabile permaneat, manu propria corroborantes sigilli nostri Impressione iustimus insigniri.

Signum Domini Chuonradi Regis inuictissimi. Odalricus Cancellarius ad vicem Aribonis Archicæcellarij recognoui. Data III. Idus Ianuarij, Indictione VIII. Anno Dominicæ Incarnationis MXXVI. Anno autem Domini Conradi Secundi Regnantis II. Actum Treuiris in Dei nomine, Amen.



22.

*Henrici III. Imperatoris Datum Moguntia, Anno  
MXLIV.*

**I**N nomine sanctæ & indiuiduæ Trinitatis. Henricus diuinã fauente Clementiã Rex. Cum Regiæ dignitatis officium sit, diuersarum partium negotia piã sollicitudine præuidere, maximè tamè & magis propriè illius Ecclesie